



MENTERI SUMBER MANUSIA

KENYATAAN MEDIA

MAKLUM BALAS ADUAN AMALAN BURUH PAKSA TERHADAP FIRST SOLAR (MALAYSIA) SDN. BHD.

First Solar (Malaysia) Sdn. Bhd. merupakan kilang pembuatan dan pemasangan panel solar milik First Solar, Inc di Arizona, Amerika Syarikat dan beroperasi di HighTech Park, Kulim, Kedah dengan tenaga kerja yang terdiri daripada pekerja tempatan sahaja. Namun, empat (4) kontraktor yang dilantik oleh First Solar di bahagian kawalan keselamatan, pembersihan, penyelenggaraan bangunan dan pergudangan tidak mencapai standard *Responsible Business Allianz* (RBA) seperti amalan pengambilan kos rekrutmen yang tidak beretika sama ada di Malaysia atau di negara asal, pemegangan passport oleh majikan dan penahanan gaji.

Sehubungan itu, First Solar telah mengambil tindakan untuk memastikan semua kontraktor memulangkan passport dan gaji yang ditahan kepada pekerja asing. Selain itu "*Reimbursement Plan*" turut dilaksanakan bersama wakil RBA untuk membantu kontraktor dalam usaha membayar semula kos rekrutmen di negara asal. Di samping itu, First Solar juga mengambil langkah untuk memastikan kontrak perkhidmatan dan polisi penggajian kontraktor dikemaskini agar ketidakpatuhan yang disenaraikan tidak berulang di masa hadapan.

Dalam perkara ini, Jabatan Tenaga Kerja Semenanjung Malaysia (JTKSM) masih belum mendapat maklumat yang diperlukan kerana First Solar (Malaysia) Sdn. Bhd. memerlukan kebenaran daripada pejabat korporat Amerika Syarikat untuk memberi sebarang maklumat berkenaan 4 kontraktor syarikat yang telah dilantik.

Kementerian Sumber Manusia (KSM) akan menjalankan siasatan lanjut terhadap semua kontraktor terlibat setelah memperolehi senarai nama kontraktor daripada pejabat korporat. KSM komited untuk menangani isu buruh paksa di semua sektor pekerjaan di negara ini serta tidak akan berkompromi dengan mana-mana pihak yang melakukan kegiatan berkenaan.

Sehubungan itu, KSM menggesa para majikan untuk terus patuh terhadap semua akta yang dikuatkuasakan. Malah, aktiviti penguatkuasaan oleh semua jabatan dan agensi di bawah KSM akan terus dilaksanakan selaras perundangan di bawah bidang kuasa yang diperuntukkan. Penguatkuasaan ini perlu dilakukan secara berterusan demi memastikan kebajikan para pekerja dipelihara dan keharmonian perburuhan negara terus diperkasa serta membasmi sebarang amalan buruh paksa dalam negara.

YB TUAN V. SIVAKUMAR
MENTERI SUMBER MANUSIA
30 OGOS 2023